



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 23/390	Løpenr: 23/4134
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	15.06.2023	041/2023

Faste saker

15.06.2023 Kommunestyret:

Handsaming i møtet:

Eventuelle merknader til protokoll frå førre møte:

Ingen merknader.

Ordføreren orienterer:

- **Godkjenning som Trafikksikker kommune.** Samnanger vart denne veka godkjent som såkalla Trafikksikker kommune.

Inspirasjon til marknadsføring av kommunen:

Inge Aasgaard og Fred Morten Ervik orienterte om korleis andre kommunar marknadsfører seg på heimesidene sine, og viste òg eksempel frå nettsidene til andre kommunar (mellom anna Tokke kommune). Dei peika òg på at det på dette området er eit forbettringspotensiale for Samnanger.

Rådmannen orienterer:

Orientering ved rådmann Ove Sæbø:

- **Organisering statleg del av NAV.** Orientering om eventuell endring i regional organisering av statleg del av NAV.
- **Vertskommunesamarbeid NAV.** Det har kome innspel om å få gjort ei utgreiing av mogleg vertskommunesamarbeid mellom Austevoll, Bjørnafjorden og Samnanger. Rådmannen ønskte signal (innspel) frå kommunestyret på om det er ønskeleg å få utgreidd dette.
- **Møte med Bergen brannvesen 22.06.2023.** Tema for møtet vil vera brannvesenet sitt arbeid med risiko- og sårbarheitsanalyse, førebyggjande arbeid og beredskapsanalyse. Dette vil vera eit godt grunnlag for det vidare arbeidet med brannstasjon.
- **Sak om barnehagestruktur.** Rådmannen viste til kommunestyret sitt vedtak (frå 20.04.2023) om utgreiing av barnehagestrukturen i kommunen, og orienterte om at denne saka ikkje blir klar til kommunestyret sitt møte i september 2023. Saka blir tidlegast klar til kommunestyret sitt møte 19.10.2023.

- **Oppmoding frå IMDi om mottak av fleire flyktningar i 2023.** IMDi har sendt oppmoding til kommunen om å ta imot 30 flyktningar (til saman) i 2023. Sak om dette vil koma opp i kommunestyret i september.

Orientering ved einingsleiar livsmeistring, Laila Grønn-Jensen:

- Laila Grønn-Jensen, som er nyttilsett einingsleiar livsmeistring og barnevernsleiar i kommunen, presenterte seg sjølv og orienterte om status for barnevernstenesta. Kopi av presentasjonen ho viste i møtet, følgjer som vedlegg til møteprotokollen.

Orientering ved kommunalsjef helse og omsorg, Edith Oma:

- **Disponering av midlar frå arv til Samnangerheimen.** Edith Oma viste til spørsmål i formannskapet 01.06.2023 om vilkår for bruk av midlar frå testamentert arv til Samnangerheimen. Edith Oma orienterte om kva som står i testamentet og om kommunestyret sitt vedtak 13.09.2018 (KS-sak 038/2018) om disponering av midlane.
- **Forslag til ny legevaktavtale.** Kommunen har motteke forslag frå Bjørnafjorden kommune til ny legevaktavtale. Det vil bli lagt fram sak om dette for kommunestyret etter sommarferien.
- **Bårerom (syningsrom).** Orientering om status for arbeidet med bårerom (syningsrom).
- **FACT-team.** Orientering om vidareutvikling av FACT-team (FACT står for Flexible Assertive Community Treatment). Dette er eit samarbeid mellom Samnanger, Solli DPS og andre kommunar.
- **Bekymringsmeldingar barnevern.** Orientering om at det ikkje ser ut til å ha forsvunne nokon bekymringsmeldingar som er sendt til barnevernet i Samnanger kommune. Samnanger brukar det same barneverns-fagsystemet som Bergen kommune (Visma Familia).

Orientering ved kommunalsjef økonomi og organisasjon, Karl Viken:

- **Økonomiorientering.** Sjå vedlagte kopi av presentasjonen som vart vist i møtet.

Spørsmål:

Status for arbeidet med ny brannstasjon

Gunn Østvik Petersen (Ap) spurde om status for arbeidet med ny brannstasjon. Rådmann Ove Sæbø orienterte kort om dette.

Ny vurdering av salsløyve til Tysse Landhandel AS

Odd Arne Haga (Frp) viste til vedtaket som formannskapet gjorde 01.06.2023 om å gje Tysse Landhandel AS salsløyve for alkoholhaldig drikke i gruppe 1. Det vart i vedtaket sett som vilkår at alkoholsalet skal vera bemanna. Odd Arne Haga bad om at kommunestyret fjerna dette vilkåret, og at sak om justering av salsløyvet vart teken inn som ekstrasak på saklista til kommunestyret 15.06.2023. Det vart samrøystes vedteke at saka skulle takast inn på saklista og handsamast som siste sak i møtet.

Undervisning på eige morsmål for elevar frå Ukraina skuleåret 2023-2024

Linda Haug Kollbotn (Frp) viste til elevar sin rett til undervisning på eige morsmål, og spurde om kva som vil vera status for dette i Samnanger ved skulestart hausten 2023. Administrasjonen kunne ikkje svara på dette i møtet, men rådmann Ove Sæbø orienterte om at notat med informasjon om status vil bli utarbeidd og sendt til kommunestyret.

Spørsmål om bemanning og sjukefråvær m.m. i skulane og barnehagane

Lena Tveit (Bl) las opp spørsmåla ho hadde meldt inn til møtet. Ordførar Knut Harald Frøland (Bl) las opp administrasjonen sitt svar. Det gjekk der fram at administrasjonen vil kunne utarbeida svar til neste kommunestyremøte (14.09.2023). Svaret som ordføraren las opp i møtet, ligg som vedlegg til møteprotokollen.

Interpellasjonar:

Informasjon om handsaminga av interpellasjonane i møtet, går fram av sakspapira for dei ulike interpellasjonane (sak RS 1, RS 2, RS 3, RS 4 og RS 8).

KS- 041/2023 Vedtak:

Orienterings-/referatsaker vert tekne til orientering.

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Spørsmål og interpellasjonar.